



詹鐵牛詩集 歎逝編

鰲水詹賢左臣



卷之一

哭先妻龔孺人詩三十首 有引

廿年並案忽愴釵分八日歸裝頓悲絃斷只
今紵絲之感徒存鵑血三更去後縑素之思
不禁猿聲四下此心共離魂縹緲籜捲秋風
併淚同怨墨淋漓燈迷夜漏昔人云旣痛逝
者行自念也吁似之矣

冰絃淒裂怨西風北客歸來淚忽紅
暈赤紵絲裁未得憐君消受夜臺中

余臨行婦囑買紵絲一匹歸莫及成衣留作殮具痛哉

其二

八月分飛八日逢藥鎗烟拂鬢蓬鬆誰知一息成長

恨生意纔臨死氣攻

余自二月入都至九月歸里甫八日而婦亡

其三

羅刹勾人勢莫降尚留溫語慰西窻到來撒手全無話只恐難瞑目一雙

其四

魯記牛衣夜泣時反添諧笑解愁思如今礪塊澆何地老向淒涼止自支

其五

廿載相隨影共依生憐兒女瘦難肥誰知坐草離魂夜弱質仍尋此處歸

其六

燕邸頻緘有報書伊何腸斷夜燈餘怪來十日成真

識渴到秋波不顧余

七月余自京寄書歸婦覽畢日遲十日不歸卽有眼睛不相見

也豈非預識

其七

福慧難兼鬼欲屠空閨人去一庭孤九原有子如相

訊應傍靈衣泣妖雛

婦生八子而殤其四

其八

罡風夜吼入簾淒續命無絲彩色逃拋撇已成千古

恨搗床愁聽五更雞

其九

平生愛惜是金釵玉鴨銀蛛細細排偶過粧臺應墮

淚難將寶色護遺骸

其十

鸞影條條已化灰獨携清冷赴泉臺韶華截住纔三

七一揖人間不再來

婦亡年三十七

其十一

環珮難歸月下人畫圖何處寫真真一棺忽閉無顏

色陰壑沉沉不再春

其十二

寒雁吁啞泣夜分那堪風急驟離羣傷心何更簷前

馬絮響荒荒不忍聞

其十三

書讀良宵燭影屯針將繡對月黃昏于今展卷思撩
亂應是魚編有怨魂

其十四

棄珥遺簪未忍看帷風簫瑟攪霜寒愁來撿點閒緜
帙尚有鞦韆花繡不完

其十五

一去粧臺竟不還九幽難覓望夫山假饒聲影仍相
吊應覓湘娥兩道彎

其十六

白謝紅彫劇可憐曉風吹殺並頭蓮一身以外無長
物贏得啼聲化紙錢

其十七

半生踪跡等萍飄羽化千年永不朝無怪世人皆欲
殺糟糠材料已難消

其十八

素懷偕隱共蓬茅宿劫難逃此一交四十春光週未
得月痕隨散影空泡

其十九

頻年結客恣清豪不爲艱難惜夜膏共說阿儂還有
婦如何薄命等鴻毛

其二十

媼緣惡夢醒南柯髮影春風捲逝波楚楚衣裳將不
去剩來遺體覆青羅

其二十一

斷腸人插斷腸花寂寞芙蓉水自窪寥落九秋魂未
穩夢餘難認女兒家

其二十二

柱折朱絃寸斷腸深閨難覓返魂香一抔黃土他年
事風雨瀟瀟對白楊

其二十三

弱息彌留正五更淒風颯颯髮毛驚如何永訣猶尋
夢生死根因尚欠明

其二十四

生成慧性太惺惺衣帶纖塵去不停只此餘清應不
壽想來併血寫哀銘

其二十五

新泉貪咽氣如冰徹夜齊執手自矜冷骨暗裁長命
縷幽冥寂淨少炎烝婦性耽冷水每飲輟數椀終夜扇風不止皆致疾之由也

其二十六

憔悴多因膝下憂幾番摧折血同流景升豚犬能存
未未必生兒孫仲謀

其二十七

珍重東籬菊滿林紅黃紫白總經心如今踐折憑奴
輩那復湘裙度綠陰余客外一年耐庄種菊滿園皆婦所命

其二十八

生憐幼子意全憨伏鄰難言快活三九膽他時誰倚
仗一靈未昧血仍含

其二十九

忍涕還因啟鏡奩僅餘翠羽鳥鷓鷃不情最是釵頭
鳳尚鼓雙翎伴玉蟾

其三十

何計能歸苦海帆潛潛寒淚濕青衫生天若許消前
業知在西來第幾巖

偶歎

乙亥十二月廿七日
余生辰前一日也

吾年三十三所歷皆艱阻失恃在四齡不解生離苦
出就外傳時淚滴方如雨孤子亦成人奮力追前武
六踏棘闈門屢遭魑魅侮中間鍛雁行荆樹戕斤斧
笄笄此一身形影互淒楚隨人整嫁裳漫自題橋柱
燕山兩度遊操瑟齊門鼓退步非急流扶餘將得所
八日遠歸人柱崩絃折譜死不緩須臾參朮嗟何補
回首廿年間起坐皆賓主嗑然閉一棺長夜迢難數
明冥成異鄉永恨無今古冷被不成眠歛目掄更鼓

啟匣對玉環尚記遺交甫遺掛最刺腸暗淚波投櫓
孤雛未曉哀忍倩他人哺黃墟信有知此際心難腐
有鳥解人情啼聲共吞吐所幸北堂萱坤貞道兼父
陟屺可怡眸差慰陟無岵破涕勸慈幃尚仰持門戶
餐飯努力加願壽同金姥請寬子婦悲且顧孫枝五
捧檄或有時恩勤報少許人生君親間有情皆可覩
少陵淚沾臆念念直如縷何哉畢此生而不占儀羽
塊礪作何澆性分事區宇

乙亥除夕

強飲屠蕪少一人那知漏盡卽迎春

正月朔一
子時立春

安仁

淚向深杯酒季子金從客路貧破鏡灰塵堆棄珥空
房燈火照殘衲荒寒雪影鄰孤櫬剩有遺雛可負薪

其二

孤懷傲骨對殘編誰向蒼蒼叫可憐已揅浮沉刪鳳
曆任教躑躅老龍泉新聲爆竹傳三舍舊樣葫蘆又
一年最怪俗緣纏未了難將面目問蓬仙

亡婦小祥

已逐飛塵去一年淒清庭院冷依然自拋紅玉遺粧

鏡未買青山築墓田萬劫莫消兒女恨千端難問死
生緣瑜迦會上紛燃燭安得慈光賁九泉

其二

妾面全無我面嗔如今空作夜歸人熱腸竟赴閒中
冷傲骨惟從怨裏伸止有秋驚泉下骨更無花度陌
頭塵懸知咫尺天難問短鋪長鑱浪得身

哭枋兒

丁丑四月
十五日

月團人欲去軟語故商量幻夢如今了浮生若此長
失兒徒愴父覓伴且從娘想見荒寒處離離血淚將

其二

虎子倉皇失愁雲鎖杜鵑亢宗今已矣投夢亦徒然
兒將生時得一佳夢竹死纔抽籜荷彫未吐錢去來殊了了嬉
笑阿誰邊

其三

羅刹勾魂去翻然感舊悲哦書方博咲學禮又添疑
見四歲學跪拜如成人禮漸漸娛黃髮匆匆失白眉
口授三字經輒能記誦即隨塵土盡幽恨了無期

其四

纔離襁褓日願備得佳評侗儻環書案焦勞戀樂鏞
來期非恟恍歸路忒分明他日遺編上聊存稚子名

其五

三載辛酸度晨昏共解愁
兒失母三年日則從余嬉戲夜則依僮輩共宿眼
枯難覩面心亂想從頭石破苔無影江空水不流何
堪添遠思山鬼夜啾啾

其六

遭逢何乃爾泣鳳殞龍雛人逐晨星落花憂夜雨屠
紵絲還襲句
余悼婦作赤紵絲詩三十首縑素不成圖寄語泉臺

婦如今影尚孤

雨窻感念亡兒

寂寂庭苔破綠斑
別離休自擬刀環
啼聲已送風千里
弱魄何知雨一山
遇我愁生應掩面
逢人懽處強開顏
是日袁晉公招飲衙署
年來涕泗知多少
都迸淋漓骨肉間

其二

點滴敲窻夜欲長
淒淒切切自焚香
散簷活剝蕉心碎
觸戶生憎燕語忙
可見銷磨皆夙定
固知遊戲不

尋常擬從夢裏看
顰笑輾轉空投六尺床

亡婦四旬冥誕

倏忽三年去時移
事事非影隨堤絮
沒魂伴野蒿肥
白酒誰為醉黃錢
自解飛有兒難致
養何以報春暉

其二

弱質真成幻何因
夢忽長豈無新面目
曾似舊糟糠
風雨知時節晨昏
隔澗漉不堪題恨
賦稽首向空王

其三

記取十年事悲酸
止自知因兒頻墮
淚為我一攢眉

鶻血消前件猿腸攪後思可憐春色盡何處覓晴絲

其四

陰雲迷積雨澍澍獨愁予悼逝空啼鳩悲枯自泣魚
魄仍依宿草人已夢華胥讀罷蘭亭記淒涼欲廢書
婦生于三月三日

詹鐵牛詩集

寄亭草

卷之一

戊子舟中除夕

欸乃聲初歇維舟就淺磯且營今夜醉漸覺去年非
華髮怵中換青雲望裏微心閒多事外欹枕待朝暉
元日

晨光初拂岸一拜蒼楓宸官味偏宜冷人情畧似春
清霜凝舊舫旭日耀新輪遠道何爲者携樽問解人

鰲水詹賢左臣撰

宿建昌縣

荒城重按轡風雨倍淒然
髮髯如疇昔蹉跎失少年
春寒憑酒破夜濕抱衾眠
恰有棲禪處晨鐘攪夢緣

望廬山

辜負廬山久重來
雨際看溟濛因晝冷黯淡怯春寒
樹響疑龍嘯石蹲似虎蟠
錚縱流小澗心共水漫漫

入署

三間破屋草仍枯
冷落長吟舊酒壚
家有長片片淒
吟別業
逃檐宿霧絲絲零
亂壁編蘆低頭世路人
難問把臂

儒林道未孤最是息肩風味好
憑誰續入鄭公圖

得家信

荒荒雲樹阻江湄
忽接飛鴻慰所思
最喜故園風信好
碧桃新放兩三枝

原倫重緘詩遠貽賦荅

衝寒緩拽片帆輕
浪博頭銜負此行
冷署有人敦古道
新詩貽我見交情
止餘破玉魚千管
安得浮金酒一觥
着糞佛頭殊自愧
可能禿管伴孤檠
倫重來詩
中索予序

其憲稿將
授梓焉

次原策名寄懷韻

忽買凌霜棹江梅乍吐英朔風喧敝篋寒日耀孤城
雞肋餐何味蛾眉盡不情別懷裁遠句心逐嶺雲怳

其二

騷壇盟未久筆硯遠牙期詐識三秋隔隨將一榻移
方池依矮屋青草戀長嶼僅有廬山在相看樂不疲

積雨後見新月

愁霖相伴濕春衣忽覩清光擁翠微高結冰輪塵乍
掃靜涵銀魄影將肥露華淡宕供魚躍風信迢遙喚

雁歸惆悵客懷貪一醉閒憑村釀引朝暉

荆艷和韻二十首有引

刻羽引商倡來楚國陽春白雪和自豐谿近
哦白也之詩瞻暮雲而倚春樹復覩清平之
調餐瓊玉以步瑤臺狗尾續貂竊愧荒唐之
句蠅聲附驥殊慚風雅之遺笑我搜腸資君

鼓掌

月華

爛如純錦白於霜臚列瓊霄迥不常着意團欒偏弄

影縱情舒卷其浮光一輪近借天孫巧五色遙分桂
子黃料得麗華心似水清虛無礙觸新粧

虹梁

雨晴相半列天邊氣自崔巍質未堅金鏡忽朦雲黯
黯銀河初漲水浚浚橫參碧落霞同麗直駕長空海
欲連絮禱風神頻掾斷閒招石燕掠平田

麥浪

平疇風沸拂新甍屈指清和望有秋燕剪閒拖青欲
動鶯梭斜度綠同浮招來柳色沿山秀皺破苔痕逐

水流一望茸茸天際遠不堪垂釣理漁鈎

雁字

年年秋社卽長鳴蘆荻風高倍有情嘹唳來賓飛翰
漆咿呀隨隊啟文明海天楮墨才原富雲漢縹緗筆
自清妙蹟鍾王誰得似裙書白練寫難成

柳絮

煙鎖池塘樹若干晴風搖漾影瀟瀟疑飛菊瓣金千
片誤落梨花玉一團曉露泠泠芟細蘂春陰漠漠漱
輕寒謝庭雅句誰相肖咏雪拈來韻已單

遊絲

小苑沉沉曲徑通。晨曦裊亂縷。綃同飛揚。只合留花
畔。淡岩偏宜。遠鏡中。暖霧乍籠。爭上下。好風閒逐。任
西東。名園隱現。知多少。維繫春光在綠叢。

蓮房

漣漪幾畝浸方塘。花事零星。葉半藏。多子自分。眉際
綠。苦心誰解。鼻邊香。鋪來碧沼。成千顆。遁入青蘋。其
一行。縱染污泥。真節在。好憑嘉果伴詩狂。

榆錢

茂林深處早棲身。片片光搖。不是銀。白蝶巧從枝上
墮。青蚨誤向葉間陳。權衡子母。應無策。會計錙銖未
有神。羞澁阮囊。雖滿載。杖頭何濟。酒帘新。

荷珠

一泓清可步相隨。滄海明珠。沼內遺。笑展倦眸。疑玉
屑。閒舒纖手。碎玻璃。團團結。謾仍留。馥滴滴。晶滢自
吐奇。最苦秋風吹欲盡。六郎面目。費支持。

石筍

亭亭一望綠陰繁。恰有雙高。陌上存。瘦削倩誰分。竹

唐詩集 卷之一 五
葉嶙峋仍白宿苔痕虛勞稚子頻穿砌莫認龍孫漸
出藩卓立宛然終古秀何年解籜到淇園

冰花

巡檐欹樹忽爭開爛熳何須羯鼓催根蒂未成仍作
態瓣鬚難辨止含胎品題獨有琴三弄幽賞同呼酒
一杯笑語乍闌天籟靜冷懷多半宿江梅

苕帶

泥沙鬱鬱未昂霄渚葦汀蒲共一苗糾結自應濛淺
瀨纏綿誰得繫纖腰曾無片錦留花譜尚有長絲攪

畫橈潑刺幾聲魚尾亂青青搖曳水相撩

花影

巧護金鈴錦一圍東皇貽我競芳菲燈明檻外容初
皎月暗庭邊體漸微誤解艷生仍遶袖恍疑香噴欲
沾衣華林寫出天然畫舊譜全刪識者稀

松濤

蒼標勁骨本無雙蜿蜒虬龍伴北窻聲沸鬱林難憇
鶴響投深院忽驚龍雀丞哦處情多暇陶令歸來節
不降幾曲瀟瀟天外墮豈同楓落冷吳江

蝶睡

懶逐晴絲臥一區黑甜鄉內已忘軀孤眠草逕魂宜
靜穩憇花房夢未蘓歛翼怡然耽寂寞垂頭自在少
憂虞漆園一枕應如是化境憑君問有無

水紋

盈盈宛在隔銀河忽有疎風度綠波活潑乍浮白月
瘦微茫輕縐碧雲多絲絲細拽疑機杼縷縷長拖憶
綺羅安得夜涼新雨後一樽閒共雪兒歌

竹粉

瑯玕幾尺寄堅貞直節微斑更有情輕覆碧紗原隱
躍橫鋪綠玉欠分明湘江淚點風前墮嶰谷鉛華雨
後生渲染倩誰添巧樣寒梢百丈久知名

鶯梭

睨睨聲傳柳外聽綠陰繁處幾曾停穿林戛玉牽朱
絡遠陌搖金織翠翎宕漾不教同燕寢徘徊似欲笑
鴉青倦來枝上啼纔任妾夢遼西未許寧

燭淚

一炬高燃夜氣深淋淋生怕月光侵熨煎似欲霏紅

雨瘦損誰能諒赤心四韻刻來惟恐後三條燒盡已
非今熱腸竟向風前冷獨對瓊筵自濕襟

翹塵

青州從事酒爲家醞釀從容類棟沙處士甕邊疑潑
墨黃公壚畔忽生花濛濛隱逐風聲起靄靄頻追日
影斜自此漸圖千日醉金龜狂客敢言賒

楊子佩過訪次答

東野雲龍愧作人陸庄仍是曩時貧枉干薄祿航微
醉漸老空文負遠神家學夙欽千里志國華將麗百

年身潯陽話舊分悲喜玉樹嶙峋照眼頻

同李啟亭胡函三劉三英諸同寅暨胡昂青陳

東呂董幼成諸友讌集烟水亭次李啟亭韻

偶暇尋清賞空明一望收沙平迎日麗風細蹙波柔
劍削雙峯秀漚渟小嶼浮輕舸維矮岸怪石拱危樓
卜築淵源遠標題姓字留呼盧擘鬱抱浮白聚名儔
燕啄泥間潤鶯調柳外幽譚鋒踈兩腋酒政殢雙眸
眺遠襟期壯凌虛笑語稠羣公饒逸興高會等瀛洲

題睡鴨圖

詹錄牛詩集 卷之一
凌空高舉事全無野水閒眠夢未孤縱有稻梁供早
暮寧偕鷗鷺隱菰蘆

同寅胡函三拉遊陶白祠次李笠翁原韻

隄柳漾湖光內闢蒸嘗地雙棲水之澹此中有真意
人爲白與陶心眼遙相契時雖晉與唐音響寧相棄
五斗耻折腰羞言清白吏大絃急小絃薄濕青衫淚
伊人不可再鬱鬱對蒼山我來瞻望久幽風拂烏翰
良哉二千石重肅麗牲壇祠爲郡伯江念
鞠先生重建標稱都大
雅誰人敢索瘢韻事存千古方今難上難慚予耽薄

祿俗抱且求安厚顏對兩賢心地憐枯朽塵襟不可
醫藥石將無有靈爽宿匡峯把臂長相守憑吊起悲
思樞衣同稽首酌酒漫臨風庶幾云尚友

前題次同寅李啟亭韻

峰外晴嵐水面颺晉唐遺響寄幽祠漣漪細蹴波千
疊蒼翠輕搖水一池栗里醉來驕白眼香山築就憶
清時微官牢落全無味擗管羞題吊古詩

題雙鴛戲水圖

憑流泛泛影雙雙淺瀨平沙語不咙但使弋人心計

唐鑑年詩集 卷之一
冷不嫌清夢穩春江

題畫松

鬱鬱由來久高青託素盟君心惟淡漠吾道在堅貞
屈曲鳴風籟婆娑挹露清繁囂宜自靜聊此繪幽情

同劉靜夫寄亭卽事

佳客遠相過遙遙荒署裏雞黍未能陳投轄風難企
何以肅嘉賓潯陽江上水更苦赤熱侵揮汗仍憑几
呼童列楸枰坐隱復勞指雄師慣阨人摧拉無堅壘
偶勝固欣然雖敗亦可喜逆旅聽乾坤於願如是矣

一望雙劍峯滃雲爲之起

時苦旱望雨

送劉靜夫歸分宜

紫煙樓下客初來何處清譚酒一杯笑我盤餐餘苜
蓿勞君屐齒破蒼苔雌雄劍畔心同憤墨白碁邊手
漫裁歸到鈴山遙問訊數峯江上兩徘徊

賀李若桃進士歸里

太原豪氣謫仙才擊劍長鳴真快哉已掘秋香凌玉
漢又收春色滿金臺彩袍乍染堤邊柳大業遙占鼎
上梅甃社珠明今再覩光分廬嶽映三台

病中同董幼成重過陶白祠

探春遊未久秋爽又重過蕭寂採蓮徑悠揚穫稻歌
冷懷空翫髀倦足強騰挪一揖遺風在瞻依遣病魔
再遊煙水亭

瘦影貪乘一葉舟西風剪剪泛平流重來雁陣調新
語續渡龍津感舊遊丹蘄忽添雲物麗莊嚴偏愛水
情幽愁城欲破憑知己愈瘡高文腕際抽

馬王廟雙桂

雙樹婆娑老歲華幾經霜雪傲烟霞天香雲外知多

少玉斧空磨望眼賒

贈雲耕和尚

一瓢高挈住能仁寺名野鶴孤雲自在身料得拈花微
笑處廬山面目認來真

方塘水涸改作菜園

寸波容不住一望草茸茸怪綠難存棘團青待採葑
揮鋤原有意抱甕且相從勺水歸何處畱心作菜傭

湖口縣晚渡

嵯峨依舊宿江艫夜色難憑秋氣封二十五年心上

詹錄牛詩集 卷之一
事不堪零亂答雙鐘

其二

破冷飄風水面屯
奔流鏗鎔透龍門
難將一枕希夷
睡蕭瑟波聲撓夢魂

遊薦福寺

偶來訪古問招提
屢屢仍存跡
指西香象林中藏法
雨毒龍鉢內捲長霓
諸天不碍雲千匝
初地常滌水
一隄行役艱辛慚
解悟勞心何日賦歸兮

芝陽同同年陳儕玉話舊

天假行蹤覲德星
軒渠一笑眼同青
名聯蠡水慚尸
素學峻巴山樹
典型塵尾靜時風
戀榻驂車停處月
留扃牢騷慰藉情
無已柏葉新紅酒漫醒

宿馬澗橋

酒帘風欲暮
止宿伴長林
問夜因誰冷
愁天頓改陰
澹心還勝昔
蒼鬢忽如今
于役勞勞者
故山隔幾尋

都昌道中

茅店更闌夢已還
新霜如霰濕田間
白烟拂拂朝來
路黃葉離離秋後山
素以靜時憎蟻動
因于忙裏妬

鷗閒野庵日上晨鐘杳應羨頭陀尚閉關

送郭青門明府之官蒲州

甘棠垂蔭幾經秋忽接徵書鞚紫騮
蒲坂民謠思化土汾陽相業待新猷
風迎去鶴秦山近月照飛鳧瀉
水流只有匡廬峯下客依依無力繫仙舟

賀李英會新婚

官閣寒生玉漏遲笑携雙壁綰紅絲
雅宜女士燈前靨靜對才人筆下
眉韻叶瑟琴調燕婉芬流翰墨咏
冬蠶斯父書夜讀聞雞警博議何須再問奇

溱江咏雪次董幼成韻

歲行盡矣竟忘歸雪捲彤雲萬斛璣
縞帶夜懸高士榻碧羅朝襯美人衣
支撐凍骨搜寒韻料理閒心賦
冷澹禿管自拈仍自賞灞橋吟興總知希

己丑誕日次董幼成韻

梅胎重煖客園紅又值懸弧紀曆同
久愧蹉跎頭點雪敢言岸異渚流虹
癡兒勸飲杯頻舉好友聯吟韻
自通薄祿虛糜淹歲月山居貽笑鹿皮翁

除夕貽同寅胡函三

坐擁奇書草一庭
匡山仍復舊時青
饒君劍佩琴樽好
暑冷遙知德自馨

除夕貽董幼成

千里相從患難身
寸心貽我見天真
敦崇氣誼羞言俠
厭飫文章且愛貧
冷徑梅花開綠萼
荒江魚膾煮青葢
他時擬附凌霄翮
北鵬南羨積薪

陪張殿颺明府暨諸同寅烟水亭看新柳

柴桑門外綠如毛
水向輕風勝剪刀
最愛湖波能掩映
晴光飄拂浸春濤

花晨次董幼成韻

江城春竟冷百卉尚含葩
旖旎難開蒂嬌羞止露芽
金鈴風未煖羯鼓韻尤嘉
二十四番信先傳上苑花

寄龔幹恒

桃柳風浪狎潯陽漫賦懷人詩
一章藜藿含情朝正好
簞瓢無語夜初央
自然雅尚歸茗椀
別有閒心憩草堂
安得飛鴻天外客
同憑花影問東皇

寄董天明

託跡鱸堂僅買愁
閒拋時日笑癡鳩
三年望眼風聲

悄千里關心月影浮燕壘多情留唱和鴛衾無意得
綢繆未知熊夢春深淺結子庭邊盼若榴

時天明納
姬鰲城尚

未舉
子

董天明以詩文寄評賦答

山雨黯儂居夜半驚雷電默憶五老峯朦朧應莫見
早起攝衣裳急浣侵晨面泥滑滑何來遠屋聲如燕
餘夢費支撐洗滌荻窻硯搜掣案頭書寶光隨手絢
好友盼佳音詩文堆若練自憐筆墨荒隔歲揮毫倦
開軒恣討評玉屑凌空戰密咏復甜吟肝膈須臾變

從瑜以索瑕敢日夷光善帖括嗣歐韓大海紫瀾濺
推敲等子孟岑後先同一醺瞽狂不自禁妄以喻糜銜
緘此絕妙辭幼婦隣黃絹脉脉寄相知幸有歸鴻倩
伊人天一涯春草遙相戀試問埜航前綠柳還如澱
何日賦歸來鬱鬱翻成怵

春夜聽雨枕上復聞雁聲

春寒百卉損芳菲淅瀝投床漫掩幃曠野風喧梅乍
落平岡水漲蕨將肥知先自足徵明哲落後終疑昧
息機欹枕共愁歸計拙那堪嘹唳濕征衣

唐鍾牛詩集 卷之一
謁陶靖節祠

義熙留甲子廟祀迄今崇栗里人雖往柴桑跡未空
菊籬青冉冉松徑綠芄芄酒清新巾漉琴翻舊譜工
孤標存故里遺響寄幽宮亮節千秋重明禋百代隆
堂開招社燕戶啟餞春鴻榱桷雲光絢簷牙露氣融
拈香迎素魄酬醕揖清風冠履瞻依下威儀想像中
三叅銘古道一拜肅愚衷入座鬚眉隔臨筵聲咳通
千鍾寧草草五斗棄匆匆解組懷高士逃禪遯遠公
閒情輕紫綬逸興接蒼穹憑吊先型久幽風沸曉桐

庾樓懷古

環梯一望影亭亭興廢乘除歲幾經氣湧墻頭霏霧
穀聲傳檐角振風鈴放懷取醉頻斟月舉手憑高漫
摘星開府清新人莫覲遙從百尺憶芳型

深南上人設茗方丈招集諸同僚看牡丹

梵刹何來富貴花瑤宮璇室共根芽濃將素質除妖
冶淡以紅姿逞麗華細雨欲沾香滴地好風閒度色
凝霞客懷寂靜慚幽賞漫醉瞿曇七碗茶

前題次同寅李啟亭韻

嘉植遙傳堯率天未離色相已通禪
闌烹園茗評花案碎剪山蔬勝綺筵
玉態含馨嬌怯雨粉麗薄醉軟籠煙
憑欄共識西來意豈讓華峯十丈蓮

老婦歎荅同寅李啟亭

四十五年彈指過天荒地老恨如何
逢人羞語開元事餘哀迸泪宿心窩
憶妾髻齡誇薄慧楚楚臻臻憎美麗
奴難存活母愛錢相携售入朱門第
杏黃絲束藕絲裙烏衣巷裏門常閉
顰笑因人劇可憐腰長十三仍細細
主人情癖忽相侵一宵悞作喬夫壻
敢云

之子賦桃夭及至瓜期難挽髻轉盼成人髮似油
朝枕篔簹遂綢繆風牌月印全拘管春倦慊慊懶上樓
金約指玉搔頭夜夜牽幃帶笑收擇衣又選食尚恐
貽奴憂何哉歡喜地頃刻遂生愁主人一夢遊空幻
鴛枕塵封岑寂慣六載溫存付子虛熊夢難占鸞鏡
綻傷心知己召阿誰燕子樓中關盼盼奴實負恩欠
一死悲哉妾命薄如紙忸怩復理嫁衣裳又逐鷄飛
移玉趾曩時嬌小弄憨癡如今羞稱糟糠矣詎知惜
惜與盈盈煮雀焚琴自此始妾貌如花不久延妾家

唐詩集 卷之八
無定紙飛鳶數米量柴天亦妬藁砧依舊落重泉自
昔妖嬈今老大伶仃復上貴人船貴人顏色不如昔
新官舊官何相厄抑心歛氣儘逢迎一笑河清翻受
謫最憐烏鵲望南飛三匝無枝仍待擇飄蓬又向天
一涯淒涼紅粉竟無家屈身甘作竈下婢醒來煨酒
醉司茶着意烹調奴自願但願東君毋嗜翦掠鬢梳
鬟寧異體春山秋水何爭差胡爲迴隔雲泥界夜深
私泣問菱花瑣兮尾兮無定準大海浮萍空自晒從
前一顧不等閒及今朝華已謝誰來愍步金蓮舒玉

笋解羅襦披繡衫一如遺老吊故國之山河又似商
婦話當年之車馬奴有一片心敢向誰傾寫西子尚
歸湖文君豈終寡粉白胭紅不讓人如何好少之漢
武好老之漢文忽忽奄奄逼奴已到離恨天之下請
君莫笑奴擔閣昔日繁華今寂寞裙釵如此下場頭
古來數竒者流皆奴若自起自眠還自立哭已無聲
歡亦泣江上琵琶不可聽潯陽幾度青衫濕

立夏第一日水亭獨坐

棟花風乍緊青帝忽言歸敢曰從今是應憐憶昨非

園禽聲欲變砌草色仍肥莫謂波瀾老臨池髮漸希

庚寅四月望日先母鄧孺人七十冥誕署中設

位率兒子楠杞梓構拜奠奠畢誌痛

祿養無期七箸陳雞豚不逮九年親先母棄世九年客途忽

觸傷心慣幽宅空懸望眼頻檄捧毛生文逼淚橋題

司馬句封塵栢舟已破餘清節丁未先君見背壬午先母卒苦節四十六

年涓滴難酌負此身

其二

蹉跎抱恨一孤兒五十將來鬢欲絲七百路遙雲黯

黯江州至樂安七百里是日家中六旬人去水漸漸

先母享年六十二歲貞萱委地香迷壑錦莧鋪筵味入卮風木

愴懷惟一拜青氈空有涕漣漣

其三

憾值終天歲紀壬悠悠九載聽浮沈屈耶已學泥中

夔朽矣將同爨下琴補報空懷瀧水表劬勞虛負岷

山吟昂藏七尺歸無用收盡長哀變作喑

其四

設悅悲來宿草青盤餘苜蓿薦春腥淒涼夜杼勞心

手慘淡秋燈怨羽翎化碧自堪留後話焚黃何在妥
先靈墓田未築緣尸素先母至今未塋予匏繫不能歸每一念及不禁泫然漏
靜啼鵲不可聽

其五

猶記光凝寶婺天北堂履滿醉賓筵琳瑯邑乘文同
綺甲子重修樂安縣志合邑紳衿公舉先母載慈節傳璀璨雲章筆似椽先母
合邑製錦稱祝邑侯方紫崖先生撰文六旬大尹郭青門先生撰文冰蘖肝腸寧守素
鬚眉巾幗競稱賢儒官有子嗟何益空憶遺徽在九
泉

其六

彫零椿樹黯斜曛襁褓初拋渺見聞先君謝世先兄
年方黃鵠歌殘悲失侶鵲鴿聲斷愴離群先兄二十
五歲幸得冰心留白日難叨玉冊慰青墳一經尚守鱣堂
上可有泥金報夜分

次董幼成遊琵琶亭韻

夏雲收雨遍長汀有客搜奇訪古亭暖日照開滙浦
綠晴嵐推出劍峯青堦前自昔聞絃唱江上如今濕
淚零笑我羈愁逾兩歲僅從人語憶西溟亭距江城
三里予客

